

澄蘭室古緣萃錄

澄蘭室古緣萃錄卷十

古虞 邵松年輯

國朝

名繪集錦冊

紙本十一開絹本一開
第一開貞照設色山水高八寸四分闊五寸六分秋山紅樹
風景蕭瑟蒼潤之氣撲人眉宇款左上

倣大癡道人 王鑑 鑑

第二開梅村水墨山水高七寸四分闊八寸七分密雲高下
草木蒙茸墨瀟淋漓大家風範左角下均初珎藏款在上

冬窗偶坐為亘翁作 偉業 公職

第三開西君花卉高八寸一分闊八寸六分嬰粟兩花兩蕊
略施絳絳莖葉靈活款左邊對頁書杜樊川句九行小行楷
後題二行印首微尚

為雪翁太老先生 南沙蔣廷錫

蔣廷錫印

杜樊川句 戊戌四月書奉雪岑太老先生 南沙蔣廷錫

蔣廷錫印

第四開李復堂畫松高五寸七分闊六寸三分松幹直淨枝
葉蟠屈雲氣中橫筆意老勁無款右角下解印宗揚二印
第五開復堂花卉高闊全前芙蓉一枝一花一蕊葉染綠色
一片蕊著深絳一點筆意奇古款左邊

乾隆十八年春 復堂李鱣

李鱣印

第六開邊頤公石榴高六寸九分闊八寸四分石榴二枝幹
葉皆用墨臂瘦略以胭脂鈎子左角下紫伯過眼款上邊

繡裯長連枝野風吹不落金刀劈玉漿夜深消酒渴 白陽山

人詩畫壽民摹之

公頤

華間居士

酒法華編
大書印

第七開頤公菊花高闊全前菊花三朵禿筆寓意略用赭色
鈎掛古色古香右角下紫伯請畫額左上右邊華間書屋

影隨桐帽梭屨瘦氣染書簃藥裏香 華間壽民

公頤

華間居士

第八開楊西亭水墨園亭高五寸二分濶七寸五分茅亭高
峙松竹環之亭前石影玲瓏鶴二對舞題右上

地多種竹還容鶴池不栽蓮恐碍魚 寫元人小景 楚雀耕

第九開西亭設色山水高闊全前岡巒複疊雲外嶺橫野屋
參差溪橋略約嵐光樹色秀潤天然款右上

做大癡老人

楊晉

楊晉

第十開西亭水墨山水高闊全前寫來家山題左上

霧鎖濛：樹烟籠淡：山元立有遺法妙處幾人攀 西亭

楊晉

第十一開西亭水墨園亭高闊全前軒堂高敞樹石清疎筆墨淡雅滌盡塵氣題左上右角下野雀印

劉完庵獅子林園有此幅 楊晉

第十二開文五峯設色山水高八寸二分濶七寸四分遠岫橫雲叢林映水扁舟容与蘆荻風吹右角墨林疎秘款左上

丁未秋日 文伯仁寫 文伯

五峰明人原裝此冊之後因仍之

高澹游寒山蒼翠軸

絹本設色高四尺四寸五分濶一尺三寸四分一峯突兀萬木蒼黃溪上人家東西錯落小橋低水遠岫入雲秋色無邊

筆意蒼老題款左上

寒山蒼翠

庚午十月擬古于靜者居

高簡

游

高簡

高澹游諸家山水屏

絹本六條每高五尺四寸闊一尺四寸

一幅澹游設色峭壁奇峯蒼翠欲滴疎林殘柳秀色可餐溪上茅亭二人對坐上有飛瀑秋色滿天款右上

傲闕全筆法於紀勝堂

高簡

游

高簡

一幅澹游設色層巒疊嶂絕徑平坡屋宇參差樹林疎秀山居清暇筆意深幽款右上

己未新秋仿董北苑筆法

高簡

游

高簡

一幅陳侶石水墨溪山明潤樹石榮滋嶺半白雲橋頭綠水扁舟波上草色離披款右上

古緣萃錄

卷十

三

澄蘭室

己未秋杪畫于竹齋

侶石陳道堅

道堅名石

一幅顧禹功設色山水清秀綠樹蒼松茅屋綠坡扁舟逐浪
筆意秀潤渲染精能款右上

己未清秋上澣寫

吳門顧殷

公調室

一幅李惺庵水墨峯巒渾厚林木深濃結屋山坳飛瀑直瀉
一亭高峙蹊徑縈紆款右上

倣北苑夏山深遠圖

暉庵李炳

李炳之印

一幅葉潤之設色層岩絕壁枯樹寒林樵路侵雲溪橋跨水
二老人策蹇坡上一童步隨筆意蒼勁款右上

蕭々翠竹柴門靜寂，蒼松寒靄生

己未秋日寫

葉雨

潤
桃花鴻
內人家

項東井峭崖老樹軸

瓶麓齋舊藏

紙本水墨高三尺八寸闊一尺五寸四分峭壁千尋枯樹挺
立松老涵青潤泉猶溜題左上下角下東井草綠湖南二印
風勁霜嚴愈奇愈見峭壁千仞不隨物變 東井 好 七印

王麓臺仿北苑山水卷

紙本設色高一尺二寸六分長六寸五寸四分起手雲一
簇溪繞坡平中幅嶺複峯迴林木陰翳入後岩壑重疊澗瀑
爭流山麓松蔭參差中露樓閣峯盡雲橫遠山隱約筆力雄
健氣魄沈宏惟帶色少暗耳尾角西廬後人題款在前印首
期仙廬

康熙壬午長夏倣北苑筆似修翁老先生教正 婁東王原祁

王原
祁印 鑒

司農此幅師法北苑邱壘渾雄氣象深靜脫盡本家習氣當
是晚年得意之作未易多觀秉燭屢觀書以誌幸振甫麟識

同治己巳初夏科試洛陽道經鞏縣見驛舍以此畫補敗壁
大有木衣錦綉之歎因秉燭識數字於溪簃此名跡不與
紙同棄事隔兩載已如雲烟過眼不復記憶今陳子餅年丈
物色得之遂以寄贈六翰墨緣中一段佳話也 辛未冬十

月振甫識

昔在梁園得見此幅後又得錢茶山司寇仿元四家山水卷
自跋謂曾見王司農有合元四家法長卷目是展玩司寇卷
輒慨想司農卷更不知若何神妙且不知真蹟尚流傳人世
否今秋自山左差旋無意中忽遇諸厰肆持歸以錢卷即證
雖布置小異而規模畧似跋中所指定即此卷無疑遂以善
價得之司農真迹巨品所見于豫中者此幅是也所聞于錢
卷跋中者數年來雖往來胸中不能去亦僅等諸海上仙山
之想不意并所見聞一旦皆羅致几案間翰墨之緣殆有神
助耶舍此二者得一已足茲竟並蓄兼收毋乃奇福喻分因
將此幅付伯英壻珍藏六持滿戒盈之意也同治癸酉十月
廿九日燈下振甫麟識

外舅第一跋用詩箋粘于幅後者後陳子餅得之重裝遂藏
裱于上仍為橫幅也二三兩跋書于裱邊上者畀余後乃改

裝為奉回將三跋附于卷後俾後人知此一段因緣也外舅
歲一漢玉牛晶瑩可愛子餅先生極賞之寄贈此幅外舅即
以牛報之今子餅已作古人此牛不知何在而先生風雅好
事一段情話惟余尚知之因附識于此

王麓臺壽石谷山水卷 瓶齋舊藏

紙本設色高八寸七分長二丈二尺四寸八分紙六接邱壑
奇闊氣魄沈雄筆力堅挺起匠心獨運非逐節分疏所能罄其
神妙設色淺絳全極子久而石法間用洪谷子營邱奇峭之
筆雖章法細碎而疎密相間一氣呵成洵所謂空靈蒼渾元
氣淋漓筆端全到朴之喻不虛也作家相證分外經營宜為
先生室前絕後之作如此刺蹟前波無一收藏家印亦無題
跋宣二百餘年沈淪于俗人之手耶略有竄蝕大都完好亦
幸矣題款在卷尾餘帑上印首所書畫固留與人看

石谷先生長余十載於六法精研貫穿獨闢蘊叢余弱冠時其
詣已臻上乘矣先奉常延至拙修堂數載余時共晨夕竊聞緒

論卒未後在京邸相往來每晤必較論竟日余於此道中雖係
家學然一知半解皆它山之助也辛巳為先生七袞大壽余作
此圖恐以荒陋見笑大方遲迴者久之今閱二載養病休沐復
加點染就正之念甚切不敢自匿其醜茲特奉塵左右惟先生
為正其疵謬庶如金篦刮翳耳 康熙癸未初秋王原祁畫并

題

王原祁印

司農登第漢專心畫理於大疵淺絳尤為獨絕平生絕詣具
見此卷中嘗謂西廬老人畫法得力于子久富春山圖然太
常運腕虛靈布墨神逸得子久一種清空之氣而仍筆沈
鬱鬱之書法唐之褚登善也司農雖承家學師法于子久獨能
自闢茲畫鬼力雄傑畫得子久古雋渾逸之趣其秀在骨一
洗娟媚之習譬之書法唐之顏平原也不為古法圖不為家

法固故能卓然成家與奉常公共有千古取此卷與奉常撫
子久富春山圖卷合觀之自知識者當不河漢斯言

王麓臺仿黃鶴山樵山水卷

紙本水墨高九寸二分長一丈四尺五寸四分紙三接後題
謂曾見山樵秋山蕭寺丹臺春曉林泉清集夏日山居諸圖
因索合其意以成此卷合通幅觀之起手因密對峙溪水中
橫石壁倒懸林陰層密丹臺春曉意也蘆灘遠近松壑高低
岩畔梵林浮屠中矗林木半落匹練空垂秋山蕭寺意也溪
水空明林壑散落松陰暗對無限烟嵐林泉清集意也雲峯
高峻石壁嵌奇石樹陰濃山樓軒敞風颿烟嶂去路悠然夏
日山居意也雖刻意求之有失索合之意略拈大概存其形
迹畫之妙處本非筆墨言語所能傳也所見司農仿山樵筆
多以濃皴密點極沈鬱磅礴之觀此則疎密相間皴法全用
乾筆細擦又與習見者不同大家筆墨本不為成法所拘融
會貫串遺兒取神惟識者各自領悟耳卷尾下角王原祁印
上角畢泂鑒賞圖記題款另紙印首初書畫圖留與人看第
二題印首求是堂

畫卷須窮極變化其中縱橫排蕩幽細謹嚴天然成就不露牽
合之迹方為合式四家中山樵筆更不可端倪余見其秋山蕭
寺、丹臺春曉、林泉清集、夏日山居諸圖、機生筆、筆生墨、墨又生
筆、以意運氣、以氣全神、想其揮毫時、通身入山水中、與之俱化
、位置點染、皆借境也、余以四困意、恭用一卷拙筆、鈍資妄希效
顰、每日清晨、悉心體認、然後落筆、積之既久、漸覺有生動意向
、未慘澹經營、此卷似有入門處、王培吳兄晨夕寓齋二十年、時
見余畫、獨于此卷甚喜、因以持贈、并質之識者、不為噴飯否、

康熙甲申九秋題于京邸穀詒堂 主原祁

王原祁 謹

此卷為余鍊筆之作刻意揣摩結構兩年始成留貯篋中玉培
南歸堅索携去玉培復來都門此卷遂入質庫今春暮兒扈從
還家展轉得之歸裝挈入適拙園大弟視學西蜀爰以奉賀此
畫得所歸矣前大弟典試黔中公事竣後暫省鄉園紆道湘永
云山水幽邃蔽虧各家具備似黃鶴山樵者為多蜀中奇秀甲
天下木末水濱有可翦取處否報最還朝又可借此一聞快論
以廣余意也 丁亥中秋麓臺祁又題 跋

此家學士麓臺仿黃鶴山樵得意筆也結構點染多象外巧
妙客秋余奉命入蜀家學士出此卷見遺余携來篋中每過
山水佳秀處輒於此卷有神會渝州陳太守允匡風雅好事
夙慕家學士筆墨余轉以贈之山郭朝暉江樓清練時一披

展嘗復覺此春輝映生色也戊子小春題於錦官官舍 吳水王奕清

狂夫

外第得司農仿元四家溪山合璧巨卷即以仿北苑卷見昇
後跋有並蓄兼收未免奇福踰分之語嗣赴粵藩任又得此
卷寄都付裝旋得壽石谷卷復將此卷留藏寒齋今四卷同
歸一處不更奇福踰分耶余購四王畫不遺餘力獨司農畫
僅得七軸卷冊六件皆瓶簾齋物也記司農劇蹟所見者有
仿癡翁富春山圖卷長二丈三尺餘又仿古山水冊十二幀
皆為僅見之品以昂其值未獲購致六綠樓此六種奇福踰
分天下名蹟當與天下共之不可徒事貪求也仿癡翁富春
山圖有長題附錄于後
古人長卷自摩詰韞川圖始立南宗模則惜余未之見偶閱
畫稿方知右丞用意之深遠行間墨裏配搭無纖毫罅漏真
有化工之妙不知真筆墨之運用又何如耳十年前見北苑
夏景山口待渡圖乃知唐宋諸大家理同此心同此理洲
源相紹續無少差別北苑如是右丞亦如是也元季長卷見
大觀富春山圖筆墨奔宕超逸脫盡唐宋成法真變化于規
矩之外神明于規矩之中畫至此神矣聖矣余自幼學畫每

侍先本常竊聞諸論必以癡翁為準的癡翁筆墨尤以富貴
為首冠及一見之輒有不可思議之歎此固約略仿其大意
若謂能得古人堂奧則吾豈能昔康熙辛卯春日書成漫題
于教誥堂婁東王原祁省年七十

王麓臺仿元四大家山水卷 瓶齋舊藏

紙本水墨高一尺三寸長二丈六尺九寸五分紙三接起手
密鑿起伏林木杈杈雲斷拳連溪迴水抱鉤勒樸老氣勢沈
雄筆意全模大癡而間有房山筆法中路山平水秀石峭林
疎簡淡清奇高士逸致漸次峰巒陡峭巖壑幽深密樹長松
山樵勝境入後奇峰峭壁巨壑深林氣象崢嶸力雄厚全
法梅花盒主通幅邱壑變幻層出不窮筆老氣蒼有神無迹
司農山水中巨觀也卷首下角西廬後人印又牛坤之印上
角靜海勵氏衣圍藏真二印隔水綫上花曲道人牛坤字次
原老隱於平谷衣圍審定於溪居士振甫所藏瓶齋印共
印六上又賜硯齋長印第一接縫賜硯齋教忠堂藏二印弟
二接縫衣圍藏真次原二印第三接縫竹溪秘玩一印尾上
角衣圍孫藏子孫寶之二印隔水綫上牛次原鑒賞圖書後

題帝上賜硯齋牛坤之印次原珍藏三印題款在前印首御書畫圖留與人看另紙長題印首期古齋

溪山合璧

彙寫黃倪王吳四家筆意

麓臺祁

王茂

書會

元季四家悉宗董巨各有作用各有精神古人講求筆墨間為兩家合作從未有四家同卷余之作此亦仿古人合傳之法隨意結構者也中間有分有合若斷若續全在不即不離處若云摹擬四家筆端所發性靈自我而出邱壑出入之際豈能得其三昧若云不是四家逐段經營各具面目各別識者未必竟謂為門外漢也余學宋元諸家每有彙為一卷之志事故紛紛多年未成今先以四家試之卷內開闔變化自出機杼奇思雖無

陳言盡去輟筆諦觀無鈎中棘履之態董華亭論画云最忌筆滑不為筆使二語知所遵守庶幾近之矣喜其有成用識於後

康熙庚寅清和題於海淀寓直 王原祁 王原祁 錄

王麓臺仿古山水冊 瓶麓堂舊藏

紙本八開每高一尺一寸三分闊八寸八分
第一開水墨重巖疊石絕澗奔泉山坡竹木清疎清溪一角
遠山對出筆墨謹嚴款右上

做梅花庵主墨法 王原祁 錄

第二開水墨層巒峻峭松蔭深濃峯隙區練千尋紆迴石際
山坡平曠草舍茅亭一人欹坐階前三人臨流把盞勸侍一
童通幅不著色惟屋宇人物略加點染益覺山光樹色一片
陰森款右上

做黃鶴山樵林前清集團 錄

第三開設色雲橫遙嶺雨過叢林水碧山青竹疎石秀坡間
露出堂軒一人倚坐茅亭相接景色清幽款左上

宿雨初收曉烟未泮於穀詒堂仿房山筆 祚源

第四開設色重岩聳翠密樹抱青傑閣凌雲遠峯插漢泉飛
百道烟靄千重工細精妍為司農僅見之作款左上

仙山樓閣 摹趙文敏設色 錄

第五開設色岡巒清潤烟樹冥濛樓閣層高出雲表雲山
一片泉石復清款右上

新秋雨後涼爽襲人戲作此圖 祚源

第六開水墨林木繁縟岩壑幽深山徑侵雲人家倚麓溪流
曲折境界無窮筆墨精到絕似廬州款右上

陵壑密林 兩窗撫黃子久筆 祚源

第七開設色清溪幾曲花柳無邊遠岫數重烟雲不盡翠巖層折綠樹蕭森秀韵天成筆情清麗題右上

花鬚柳眼各無賴紫蝶黃蜂各有情 倣趙大年筆法

王原祁印

第八開水墨雪積名瑞寒凝水際密垞對峙松竹凌清山軒一人捲帷賞雪溪岸一吏策蹇而來一人淡隨通幅不著色惟窗櫺屋角並牖背人衣巾略有渲染殊覺雪映長天晴空一色題款右上印首三昧左角下西廬漫人

李營邱雪霽圖 癸巳長夏於萬壽館倣古八幀 王原祁

王原祁

同治甲戌春暮在廠肆見石谷子倣古巨冊十二幀用墨設色沈著超渾當是生平精詣所萃紙本完好如新數為佳見惜索價過昂無從問津越兩月購得此冊審係司農晚年極經營之作無論石谷冊當避三舍即司農真跡中似此法備氣至合宋元各大家為一手者正不易多親也同時並收得白石翁風雨過豁園巨卷紙本幾及五丈縱橫揮灑元氣淋漓

滿亦是先生生平傑作也而窗展請喜而識之五月十一日
振甫麟題記

冊面原簽書法極佳而前後無收藏家印記知此冊流傳未
易數主故帝本精潔如斯益可寶愛按康熙癸巳司農時年
七十有二而畫筆乃尔神妙足見前輩精詣至老不衰
冊中仙山樓閣一幀與二十年所見司農仿元六大家六
幅中摹趙文敏松溪仙館圖意境絕相似每一展讀不異武
陵漁人重入桃源也同日又識

是冊與所見石谷仿古十二幀以書法譬之此則右軍之黃
庭樂毅神妙處更在方圓結構之外石谷冊則歐柳諸家之

楷法也取二冊對觀方可信此論非謬次日又筆
石谷冊仿惠崇趙善長巨然梅道人料明蕭照趙文敏黃子

久燕文貴郭天錫十家幅式大小適與此冊同唯仿松雪桃
源圖一幀用青綠設色而不及此冊中仙山樓閣之工細餘
則淡墨淺絳各臻神妙亦希世名蹟也惜甫得此冊無餘力
兼收否則兩冊正堪合璧豈非翰墨因緣中一大快事耶

六月八日振甫又識
是月十八日奉命尹京兆二十接篆視事後耳目所接遂與

風雅日遠燈下稍閒輒展此冊以醒倦目視昔日清暇真覺
回首玉堂如在天上也七月朔日偶書

光緒丁丑新正十九日小疾初愈燈下展玩數過胸次頗覺
湛然古人以讀書名畫為特健藥誠非虛語 振甫記

王麓臺仿古山水冊

瓶麓齋舊藏

紙本十二開每高一尺七分闊七寸八分

第一開設色仿倪高士遠岫清溪疎林野屋清蒼簡淡老筆
紛披披間一屋安置未妥司農畫中注有之不足恠也右
角潘季彤鑑賞章玉川珍賞二印額右上左角西廬漫人

清蒼簡淡雲林本色也間一變宋人設色法更為高古明季董

華亭最得其妙此圖擬之

王原
畫

第二開水墨仿梅花喜主溪山迴抱樹石清快瀑瀉層巖橫
通微岸山巔古寺坡上人家蒼潤沈雄兼擅其勝右角下潘
氏聽颺樓藏額偏左左角下西廬後人

梅花庵主有溪山無盡闌山秋霽二國皆稱墨寶此幀摹其梗

概有少分相合否

王原 鑑

第三開設色仿趙大年雲橫斷嶺溪繞層巖柳暗花明水清
石秀橋隨勢曲間駕波平古豔古香滌盡媚媚之習左角下
李彤珠賞題右左上右角下西廬後人

江村花柳園

倣趙大年

王原 鑑

第四開水墨仿黃鶴山樵筆墨起伏澗壑幽深溪上茅亭林
間水榭點綴細密氣息高渾左角下李彤曾觀題右左上角下
西廬後人

黃鶴山樵林泉清集團余家舊藏也今已失去因追師其意

王原 鑑

第五開設色仿高尚書雲橫峻嶺雨洗空林水石清奇密
沈鬱蒼勁古厚一時無兩右角下聽鳳樓書画印題右上左
角下西廬後人

房山畫法與鷗波並絕在四家之上此幀略師其意 跋

第六開水墨仿大癡層岩平阜雲淡泉清雜樹高低淡濃相
間披岸人家錯落略約中通鈎勒謹嚴點染深厚左角下季
彤鑑定珍藏類左上右角下西廬後人

倣水墨大癡筆 原印 跋

第七開設色仿松雪筆密重密澗壑深幽嶺半白雲岩頭花
樹山樓隱約水閣清疎點染精深著色濃郁左角下季彤平
生真賞題左上右角下西廬後人

落花流水杳然去別有天地非人間 倣松雪筆 原印 跋

第八開水墨仿大宋雲山沈鬱樓閣凌空樹蔭深濃雲形渾厚溪亭竹逸天半峯迴右角下季彤審定題右上左角下西廬後人

山川出雲為天下雨 做米元 筆 礪

第九開設色仿大癡山巖陡峭雲壑濃深寺宇高崇林亭蕭瑟澗邊泉活天外峯青筆力堅凝專色沈鬱右角下季彤秘玩題右上左角下西廬後人

子久設色在著意不著間此圖未知近否 裱 鑒

第十開水墨仿北苑林壑叢密岩壑奇屋舍依山層：而上溪橋跨水高閣循坡氣韵沈雄魄力深厚右角下聽颿樓藏題右上印首蒼澗左角下西廬後人

北苑真蹟余曾見龍宿郊氏圖及夏景山口待渡長卷今恭用

用其筆

王原
錄

第十一開設色仿荆關重巖雲抱氣勢嵯峨峰轉溪迴林濃
屋小泉流脈遠閣俯波深古雋沈郁天然結構左角下潘氏
季彤珍藏題左上右角下西廬漫人

倣荆關遺意

柳
誠

第十二開水墨仿高士溪山平曠竹樹蕭疏境亦尋常筆持
深厚坡間屋宇与第一開同病殆是畫中化境也右角下海
風樓書畫印邊上十八研樓珍藏左角下麓臺書画西廬漫
人二印又郊之璠印題居中

用筆平淡之中取意酸鹹之外此雲林妙境也學者會心及此
自有逢原之樂矣 康熙乙未長夏倣宋元諸家十二幀并題

于京邸之穀詒堂

婁東王原祁年七十有四

王原
祁印

右麓臺畫冊二本一作于癸巳一作于乙未中隔一年前冊
八幀專以高華工麗見長後冊十二幀專以沈雄蒼潤取勝
皆屬老年極筆絕世無雙嘗謂古人筆墨臻入化境無所不
能其拙處皆非餘子所能及按先生即于七十有四西歸而
精力猶如此不億先生之極筆亦即先生之絕筆豈易得哉
先生畫冊前于京師見一冊為石泉書屋故物見書畫鑑影
中題語附記于後以資印證

一開設色題 人家在仙掌雲氣欲生衣用松雪法寫宗古

丞詩意 印首求是堂 印王原祁麓臺 右邊白雲紅樹

二開水墨題 江貫道學董巨而另有生趣 宗法一變此因

近之 印原祁啓事 左角下圓印未識 石師道人

三開設色題 宗法精麗荆關旗鼓步伐止齊筆墨絕武麓

臺題 印首隋倩 印王原祁麓臺 右角下圓印

四開水墨題 仿大痴 印原祁之印 右角下石師道人

左角下圓印 清月未及上黑雲如賴山余庵從風阻江上

五開設色題 請坡公詩有感寫此 印首蒼潤 印王原祁 右角下圓

印左角下白雲紅樹

六開水墨題 此幅呵凍用墨過重尚未失梅道人意存之

印王茂京 左角下石師道人

七開水墨題 巨然墨法此幅若有入門處 印首俏倩

印王原祁 左角下石師道人

八開設色題 大癡秋山先奉常曾見之余就所聞略述其

意原祁 印石師道人 右角下白雲紅樹

九開水墨題 倣黃鶴山樵丹臺春晚筆石師道人 印首

蒼潤 印原祁之印 左角下石師道人

十開設色題 秋亭竹色兼用松雪大癡筆寫意 印首蒼

潤 印原祁啓事 左角下白雲紅樹

十一開水墨題 高房山傳米家筆法而渾厚華滋又間大

癡生面兼宋元三昧者太原祁題 印原祁啓事 左角下

石師道人 十二開設色題 空山不見人但聞人語響 遠景入深林

復照青苔上仿倪高士設色寫詩意王原祁 印首求是堂

印王茂京 左角下白雲紅樹又圓印

以上十二幅無年月以畫證之當是中晚之筆幅皆精惟

石師通人白雲紅樹及圓印所見麓臺畫皆無之印石師道

人別歸它處亦未見附識其異于此

王麓臺仿大癡天池石壁圖軸

紙本水墨高三尺六寸六分闊一尺五寸三分浮嵐烟嶂峻壁危坡林木陰濃溪流曲折山巔村落坡上人家高低相映筆墨滋潤中雄渾淡宕落大方左角下白門李氏珍藏右角上棠邨後人野石鑑定顯款左上印首古期齋右角西虛後人

大癡畫峰巒渾厚草木華滋浮嵐暖翠天池石壁二圖則尤生平傑作也余兼師其意具眼者鑒之 康熙丙子冬日麓臺邨

呵凍筆

王麓臺

王麓臺仿梅道人山水軸

紙本水墨高二尺九寸二分闊一尺二寸七分峯勢壁立起伏蜿蜒路遠羊腸層累曲折雄闊高踞山亭旁開樹倚岩多溪隨嶺曲坡下山居幽靜古木蕭森氣魄沈雄筆力渾厚浮烟漲墨一洗而空左角下李佐賢收藏書畫印題款左上印首求是齋右角西廬後人

季書道世兄雅有筆墨之好己卯冬日余在邗阻風雪急欲歸矣而季書憐之意難却其請呵凍為仿梅道人筆 麓臺祁

王原祁印 漢京

王麓臺仿黃鶴山樵山水軸

紙本水墨高三尺二分闊一尺五寸四分峯巒萬疊瀑布千尋松影參差溪流紆折山半樓閣高下林間屋宇縱橫氣勢崢嶸筆墨渾厚點綴綿密位置謹嚴題款右上印首御書畫因留與人者左角下西廬後人

憶癸酉秋在秦為雨亭先生仿大癡筆今閱八年矣茲復為學
山樵筆墨癡鈍未得古人高澹流逸之致功淺而識滯今猶昔
也請正以博噴飯 康熙辛巳暮春下澣婁東王原祁畫

王原祁印

王麓臺寫摩詰詩意山水軸

絹本設色高三尺三寸五分闊一尺四寸九分卷末雲高低烟
雲縹緲繞樹石清潔泉水奔騰雲際飛瀑高懸林間野屋疏落
遙峯擬房山密巖侶梅道人而用大癡筆意為多蒼潤空靈
仍覺筆沈著題款偏左印首御書畫國留興人看左角下
西廬後人

山中一夜雨樹杪百重泉 辛巳秋日讀摩詰詩見二句欣然

會心遂為皇士老賢甥寫此景以博一粲 麓臺祁 祁原 鏞

王麓臺仿倪黃小景軸 瓶麓齋舊藏

紙本設色高二尺一寸七分闊一人四分一筆遙峙岡阜相連數樹高撐坡陀平接岩旁水榭臨溪脩竹繞後以高士之格局運大痴之筆意秀勁蒼老矯不羣類款偏左右角下西廬後人

天游姪吾家之白眉也為人好學思深溫然如玉而又酷嗜風雅以余復將北行過談弥日不倦因作倪黃設色小景示之使知理以機運神由氣全筆墨一道不外是矣 癸未元夕題

麓臺祁 祁原 鏞

王麓臺仿大痴山水軸

古緣萃錄

与十

六

澄蘭室

紙本設色高二尺七寸三分潤一尺三寸五分烟雲變幻岩壑靈奇平阜橫空層崖峻壁有層出不窮之勢林木蒼潤溪澗深幽筆力沈雄氣味醇厚類款偏右印首御書畫圖留與人者左角下西廬後人

筆墨一道非寄託高遠意興悅適經營點染時心手便不相關古人於此每積硯閣筆動以經年亦機緣未到也瞻亭年兄見付側理甚久每為公冗所稽今春養疴即舍瞻兄妙劑可當七菰霍然而起頗得淋漓之致可以踐宿諾矣書以識之勿以遲見誚也 庚寅寒食前筆 婁東王原祁 研源 鐫

王麓臺仿梅道人山水軸

紙本水墨高二尺八寸八分潤一尺三寸六分溪山迴抱中豎一峯烟岫迷茫石壁奇峭叢林掩映磊石參差曲折鈎連

貫穿一氣筆墨濃厚氣韻深醇一點一撇無不用意題偏左
右上畫圈留與人看右角下西廬後人左角下宮子行玉甫
共欣賞一印

余憶戊寅冬浞豫章歸溪山迴抱村墟厯落宛然梅道人風致
刻意摹仿未能夢見十餘年來心神漸有合處方信古人筆墨
以天地為師也雪巢大弟就幕閩中此行為道所必經奚囊中
試攜此圖渡錢塘過江郎山踰仙霞嶺時一展觀亦有一二胎
合處否近讀雪弟文清新俊逸更得江山之助出人頭地可以
為左券矣 康熙庚寅秋閏 原祁 之印 臺
王麓臺仿大痴山水軸

紙本設色高三尺四寸闊一尺六寸六分岡巒新絕烟樹紛披雲岫遙橫溪橋中接岩松葦秀坡樹凌空水複山重氣蒼格老洵所謂亂頭簾服書味盎然者也顯款偏右印首畫因留與人看

六法之妙一曰氣韻二曰位置若能氣中發趣雖位置稍有未當亦不落于俗筆也余長夏消暑偶作此圖東塗西抹自顧無穩妥處取其簾服亂頭中尚有書卷氣存之以俟識者 康熙甲午六月下浣寫設色大瘕筆意 王原祁年七十有三

王原祁印

鑑

余歲司農畫八軸由丙子至甲午凡十九年骨韻本于天生自是大家風度筆意則始秀潤而漸蒼老試將八軸換次懸觀確有循序漸臻之妙可見古人筆墨与年俱進愈老而愈神化神化之作固之寶貴果歲年用功之作亦大可珍也

大抵要東三王畫法皆得力于子久中年用功時臨摹各家各極其妙至晚年蒼萃古人之長而折衷于一家以就我之規模如烟客仿子久是烟客面目員照仿子久是員照面目司農仿子久是司農面目謂之非子久不可謂之是子久亦不可試取三王仿子久各奉軸參觀之自得其妙特不可以言語形容也

司農山水經營之作俱有長題畫軸亦然書法老筆紛披不求甚工其僅署一款者多偽作即真迹亦非精品所藏奉軸各種皆有長題宜其精神煥發也

司農畫固留與人看印有二一白文工上有御書二字左右螭龍腰元式所常用者也一朱文長方式惟此庚寅仿梅人一軸及甲午一軸見之豈後刻耶西廬後人印亦有二一白文一朱文間用之軸內所見不一：註明冊中所印則白文稍小殆又一方也

高江邨楷書洛神賦冊

紙本八開半計十七頁每高六寸六分濶三寸九分五行行十一字有烏絲直界是卷子蘭裱者楷法結構寬博用筆秀

遠靜穆之氣令人尋解不盡是以大令為宗不囿于水晶宮
安嫺一派首頁下角紅兩軒印後款

康熙辛未夏六月書於江邨之瓶廬 抱瓮高士奇 韓社人

陳香泉詩翰冊

紙本八開烏絲直界四邊描花葉每高六寸四分闊七寸九
分十六行中有空摺處第一開臨黃山谷書九二開以下均
書自作書法飄逸兼河南北海之勝黃九不錄末頁有守齋
珍藏印

洞庭湖裏君山巔笑簫游人履屐穿欲見神僊無問處秦松五
樹碧忝天 朗吟亭在湘君廟西一里後人因呂仙朗吟飛過
洞庭湖白建亭、後有秦松甚奇古而志不載余故補之以詩
清都本自產醍醐未許凡流挈玉壺只有東方曾竊飲武皇舍

近一何愚 酒香山舊有亭今廢在崇勝寺西南三里平岡迤
邐竹樹森秀北遶軒轅臺重巖迴互巖壑深邃此君山最佳處
也

疑水疑峰近此湖蕭蕭斑竹點模糊空山獨拜黃陵廟花落春
風啼鷓鴣 湘君廟即黃陵廟也在君山東麓甚頽落山以二
妃得名其祠無修葺者守令之責誰為留意

乙酉四月五日入辰沅口大風下冷子波濤澎湃泊龍沙作游
君山詩並胥文相志書於冊篝燈坐更闌而風未已萬里遠人
此意誰復念之 夾禧記

寄點仙亭五渚南

資沅澧澧四水同湖水注洞庭北會大江名之五渚戰國策秦與荆戰大破之系洞庭五

渚是也

湖天獨倚太虛涵間尋藥草凌晨出秘授丹經入夜參竹

裏自彈琴破寂松陰偶遇客清談笑看白鶴時來去長揖羲皇
對遠嵐 贈岳州白鶴山道士鄭少微即次其韵

滿湘清絕似初秋篋竹青連碧水浮坐對君編消客思三朝風

阻遂烏頭

水經注云山多篋竹篋竹者方竹也遂烏頭石在編山之右

寄書人往橘飄風

羅什當年事略同寂莫黃雲宮外月清宵自照井欄空 柳毅

井在崇勝寺東半里水與井口略平子午泛潮更綠色且有魚

腥寺僧皆食此水井去口丈許有片石作底鑿數孔以通泉石

下蓋不可測也并浚有亭亭壁有碑剥盡惟餘龍冽二字若宗
人筆法惜乎未能考證由亭出谷兩崖古木對蔭新綠撲衣袂
頓令俗襟爽絕

孤帆若為遶夷猶偏指西南徼外州行到三苗曾未到洞庭春
盡宿已邱 泊岳陽城下

郵遠傳聞入楚天南隨清蹕茲新年思君只隔江湖遠夜雨滿
湘獨未眠 洞庭雨夜懷吳西齋

康熙乙酉三月廿七日到岳州守風遂停游君山雖阻程途然
而往來者欲踰波濤而上殊未易也舟中默坐偶有所觸亂成

韻語念此名勝不能自止究無濟勝具不能暢發又用自慚耳
萬里遠人惟賴筆墨消遣昨日得斷句云間裏詩書尋詩味老
來疾疾有何妨因隨意錄于素冊并記其所適之旨若此 海
甯陳奕禧

段柯古詩 折楊柳四首 戲高侍御七首 嘲飛卿二首

梁卿解籍戲呈飛卿三首 俱七絕 丁亥二月潛江道中書

奕禧

康熙四十一年十一月十二日奉旨召入南書房賦詩作書蒙
天語褒嘉指點教誨復承 賜御書御製詩臣何人斯忽受

知遇寵渥如此不勝感激慚惶之至謹賦五言律詩二章以獻
舜日垂元化堯年樂太平典謨傳道法禮樂煥文明學貫萬幾
暇書兼衆體精寸陰勤帝念乾健仰天行 八載叨郎署今朝
對玉除殊恩霑寵命至寶捧宸書舞蹈三陽泰榮光百世餘小
臣何以報樗櫟愧材疎 奕禧

陳香泉行草書屏

綾本六幅每高三尺九寸五分闊一尺二寸三分各書絕句
一首飛動秀逸直逼香光印首御賜日耀六幅全

背倚天峰湧化宮橫空閣道控淩虹炎雲六月應奇絕青瑣玲

瓏八面風 奕禧

陳奕禧印 下印並全

玉人有意惜芳春
寶帳籠階護紫雲
風月等閒猶不到
外邊蜂蝶莫紛々
夾禧

轉午聞雞日正長
小亭方丈納空光
綠陰一雨濃如黛
何處風來百和香
夾禧

雨入南枝玉蕊皴
合江雲凍冷芳塵
司花好事相邀勒
不著笙歌不肯春
夾禧

濕雲垂野淡疎林
干日山行九日陰
梅子弄黃應要雨
不知客路已泥深
夾禧

銀燭光中萬綺霞
醉紅堆裏缺簷斜
從今絕勝西園夜
壓盡錦

官城裏花 奕禧

查聲山小楷羽獵賦冊

紙本十二開半計二十五頁跋一頁每高六寸四分闊二寸九分烏絲直界四行十八九字廿餘字不等輕圓流利秀媚絕倫得松雪過秦論筆意後題五行印首查字下角家在花谿石濠南只可自怡不堪持贈二印末頁聲山淡遠堂圖書印又汝南史氏門元劉松陰參差禽戲工下午睡初之二印附頁身在書生壯士間連壁軒中菜子衣二印

子雲割秦美新為儒者所不齒然讀其羽獵一賦真有忠君愛國之思較之茂陵封禪書其優劣何如也惜乎末路之不檢如此士君子立身一敗萬事瓦裂可不慎与後之君子讀其文諒其心可也 康熙庚午正月廿二日書于嘉魚道中 查昇

吳下
何昇
穀山
筆墨

國朝篆趙書者惟何義門汪退谷及聲山三家最工聲山天
資稍遜退谷而學力過之此冊道嚴絕倫殆師鍾紹京非僅
摹松雪已也丁酉秋仲童洲若良契出此見惠如獲拱璧因
重裝潢成冊為系數語於後云李廷鉅識于韓江節署之絳
雪堂絳雪堂
聲山小楷在國初最稱精工以其天姿過人而功力須足
以副之故能出入吳興直追晉唐李跋謂其天資稍遜退谷
吾不信也特骨力稍遜退谷耳此賦曾勦于某帖中惜為蠹
蝕殘損十之二三其完好處圓秀冲和神乎技矣

汪退谷臨蘭亭各種卷

紙本凡三段
第一段臨蘭亭叙二十八行高七寸七分長二尺二寸七分
右角下西園所藏印隔水綾工寶米齋一印末款一行印首
賞心

褚河南蘭亭本 士鉉臨 汪穉

第二段書陶詩三十九行高九寸長三尺八寸六分行楷書
淵明飲酒結廬在人境秋菊有佳色青松在東園故人賞我
趣四首和郭主簿詩：堂前林一首移居春秋多佳日一首
諸人共游周家墓柏下一首書法通勁圓厚款一行印首紫
微郎

汪士鉉

汪士鉉印

第三段臨西園雅集圖記三十行高九寸長二尺四分右角
下西園所藏印題款九行

庚寅六月新得華亭行楷真蹟共十二頁內有美堂記西園雅
集圖記秋聲賦凡三種筆法秀逸頗類晉賢旁跋云臨樂毅論
書此冊誠非虛語世無石刻本余以華亭得意筆亦秘之海署

苦人心神煩躁爰臨華亭墨池消暑習靜生涼清風四起書未
竟聞隔院彈碁聲余乃投筆而起十四日未刻也 汪士鋐書

并識

士鋐

前年春獲觀王夢樓先生臨褚摹真點余服其秀今年於靜
齋處見傳雲館臨褚公真迹余服其靜今又觀茹狀元所藏
汪退谷先生臨本余服其圓余向數臨褚摹真蹟終不能
得其三昧如退谷之圓夢樓之秀傳雲之靜得之矣 壬申

秋八月玉方陳希祖

註

退谷先生書淵明詩亦用意之筆、法直追趙吳興

玉方

嘉慶甲戌秋仲大興翁方綱觀

編

汪退谷中允所寫蘭亭是康熙初年臨褚摹本冬心先生標

題四字可見專屬蘭亭無疑蓋蘭亭奉先在丁鉞丁處士家
金款稱鉞翁者是後贈茹古香狀元古香與五柳先生詩同
裴觀玉方陳侍御跋蘭亭妙處最精確論陶詩用筆亦是其
後為吳江顧南雅先生所得先生始取舊藏雅集圖記與淵

明詩右軍序合衆余在南雅處見過二次南雅歸道山溪不
 及十年竟入吳江一賣古董家今春受之任自揚州歸至吳
 江市甫見急急出重價獲之受之携卷求余改余悉是岑始
 末為之應潮所自如右受之從余游既久頗能賞鑒書畫
 是月初三日余得定武本甚佳特姪同獲蘭亭是一件佳話
 岑首有章豁師觀款余附題其後師弟相印又是一大快
 事有餘帝再題裁句二應受之屬古稀老子耽書癖兵
 筆臨池解客朝小阮今朝鳴得意遙中允訂神交江通
 翁題款分明在茹氏風流點已陳可惜吳江楓落後者
 興屬何人打鐵鎗餘人嘉興七十六歲老者廷濟梓未甫
 年癸卯夏五月十四日
 咸豐九年己未仲秋歸西園所藏有跋未錄
 據張跋尚有冬心先生標題四字失去可惜

汪退谷小楷離騷經冊

紙本十一開半跋半開計二十四頁、高五寸五分濶三寸五分八行、十四字半致觀涵得登善三昧首頁押角題翁印餘皆精書太史公曰屈平之作離騷至難與日月爭光可也八行題款三行

吳林屬寫離騷經餘紙未盡因并書史遷語康熙五十一年十

月廿四日汪士鋐記

卷之五

予愛讀離騷嘗欲書一冊自隨念卒未能得今晝過吳林寓齋見退谷前輩所書此冊喜不自勝離騷既予所愛讀而退翁書法尤予所酷嗜得此冊平生志願足矣故書此以告吳林它日得間便當搜去吳林其好藏之物謂予言之不妄也壬辰冬十月廿有七日良常山下人王澍書

汪退谷山水冊

紙本水墨十二開高三寸六分濶五寸三分無款每開有松尚二字小印

第一開懸崖峭壁蹊路迴環一抹遠山數叢蒼荻魚曾依岸
宋無一人印左角下

第二開兩山對峙一水中流連岸連茫風帆叢集印右角下
第三開岡巒夾澗林樹成陰連水處涵遙山銜接印右角下
第四開孤亭臨水小船乘風柳色陰濃波平岸潤烟雲一片
風景殊佳印左角下

第五開宏峻園結岩樹爭榮老屋一椽依山倚澗清溪一曲
泉脈源長印左角下

第六開重巒樹繞絕壑泉奔山岸侵雲溪橋臨水印左角下
第七開兩崖高矗數樹珠排橋拱溪頭亭依岸曲遠山一角

無限烟波印左角下
第八開崇岡茁布絕澗中間怪石臨溪叢林映水數舟泊岸

高榭凌波印右角下
第九開林巒層疊徑紆迴巖臺幽深溪山淡遠印右角下
第十開峻嶺磊砢疎林蕭瑟橋臨水面亭峙山巔溪草披風
雲峰隔岸印右角下

第十一開峭壁臨流深林隔岸山樓水榭掩映高低一角遙
山風帆雨印左角下

第十二開雲峰濃厚岩樹青葱數屋坡前一橋澗曲沈鬱疏宕筆墨淋漓印右角下

退谷畫不多觀此冊氣韵沈渾筆意古厚實兼宋元諸家之長就近論之其蒼幼似麓臺其秀潤似石谷其率意處又極似江上外史有士氣而無俗韻真能品也舊藏瓶齋齋余既得確證今夏周邑陸冰文以先生臨褚聖毅小楷卷子屬題下款乃是松南汪士鋐其為先生之作無疑矣外第小札一帋附粘冊前並錄于左

退谷山水極工為書名所掩遂鮮知者余舊藏一無款山水冊筆法似王司農每頁有松南二字小印記得松南是退谷別號可取疑年錄等書一查如即是退谷則當與是同藏卷價即稍增上應為延津之劍作合也伯英賢壻考之

汪退谷壽康太夫人詩翰軸

綾本大行楷四行高五尺二寸六分濶一尺三寸三分書法圓厚渾脫頤盼生姿左角下有子正氏姚榮印印首併奉玉

樹

清秋繡幕曉烟開
簾捲西山積翠來
海上仙籌增鶴算
堂前壽酒泛霞杯
天教松柏春常在
人並冰霜志不回
最是閭儀綿世澤
好者門第正崔嵬
奉祝邵母糜太夫人五十榮壽 汪士

銘

汪士
銘

糜太夫人先七世庶祖妣也此軸藏余房多年不知所自來以子正姚氏印證之當是子正先生特贈先祖者子正常熟人与邵氏為中表常游梁苑有義門先生為六世祖柔上公所書楹帖云先生所貽詳見後松南二字二十餘年無編證豈知此幅正是松南印可見舊藏之物不能時履者必待見陸岑而始信然乎此又是松南一確據也

萬九沙隸書程子四箴屏

絹本原大堂軸改裱屏六幅每高三尺七寸九分闊一尺一寸一分三行十字隸法古雅疏宕西漢之遺款楷書二行

損庵年兄老先生屬書 甬東老友萬經

九九川坡翁
行父字九沙

萬經
之印

檢才晉國
校士歸南

何義門行楷書詩卷

絹本高一尺六分長九尺五寸絹一接書法沈著謹嚴力透紙背題首筆近唐人四字篆書款古欽程思澤為美川先生題所錄七律四首未知所出錄存之印首耕野

年狀皆齊初有髭鵲山漳水忽追隨使君座下朝聽易處士亭中夜會詩新作句成相借問閑求義盡共尋思經今三十餘年事却說還如昨日時 玉陽峰下學長生洞府仙中已有名獨

戴熊須冠暫出唯將鶴尾扇同行鍊成雲母休炊爨名得雷公
作吏兵却到天壇上頭宿應聞空裏步虛聲 擾、人間是與
非官閑自覺省心機六行班裏身常下九列符中事且稀市客
慣曾賒賤藥家童驚見著新衣君今獨得居山樂應笑多時未
辨歸 仙郎白首未歸朝應為蒼生領六條惠化州人盡清靜
高情野鶴與逍遙竹間虛館無朝訟山畔青田長夏苗終日政
聲長獨坐開門惟望浙江潮 丙戌秋日書似萼庭年世兄正

字 何焯

何焯 太史 一說 吳印 吳印 類集

吳門書派明以徐武功祝枝翁文衡山父子沈貞吉父子唐
六如王雅宜黃姬水薛雲公范允臨諸賢各有擅長均為書

壇老宿兼通畫理六法克臻其妙流風餘韻至國初尚有汪
遜谷楊大猷徐大臨及義門先生書法具有師承點畫不苟
學者遂此津逮自無歧路惜乾隆中葉劉文清王夢樓梁山
舟翁輩躬伊墨卿陳芳生諸人出而吳門書派遂為所亂見
異思遷今古法竟成絕響昨与笑川世文論書印合以此卷
索題曰故瞻志此咸豐八年十一月望日滄浪水樵徐康書

于雲山官寺

野

外高祖邵味閒贈公為世大書家隆禮賢士歲以千金聘義
門先生來雲同寓破山古寺竹香泉精廬讀書染翰處也偕
者汪遜谷汪杜林翁迂伯皆書家英俊久聚歡甚此以得意
書相貽也綸襲見迂伯先生論書云義門近日酷摹子昂殊
不可解然有本領可知義門先生生於古法無所不觀擷英華
棄疵敝運筆六通通前人獨校正羣籍學識高遠特膺召
試過稽古之禁也卷中字兜裏緊密精力凝厚晉唐規矩咸
具較平時所見尤為全璧張氏詩之邵氏兵後落農人手今
仍歸其裔孫曼如孝廉歎典不忘即紙墨亦然故物珠還什
觔誌喜 光緒四年戊寅仲秋月望日外元孫吳鴻綸恭記
此義門先生為 五世井祖所書卷也藏之壽樂堂數世滋

歸張笑川先生亂後仍為粵如購詩今得之粵如處今仍藏
之詒安堂舊宅迄今二百年矣猶素獨新其折損數處則兵
燹時所致也儒卿先生跋語之有攷證詳錄于右尚有觀款
暨古跋未錄

杜林先生書法吳興年致翩翩可愛貽味閒公小詩二首六
詩之粵如處附錄于後

鄂庭大兄自新安返廬山杜嘉貺四種謹作小詩二章以報
明德

貧友多君慰寒家憑將遠物付長謠
殷勤為辟題潤屋心清差觸撥新年氣味早
還衝破儘放詩腸落酒熟萍蓬蹤跡幾星霜
舊鄉歛浦晴波螺黛色彩山秋樹棗錫香高
連陌斜陽小婦筐一自絨膝勞損鉤居然風
此乙未冬舊作鄂兄索余重錄出自知不足存
友之意感前此二十餘年相知之雅遂錄以應
命 弟汪應銓并識

何義門楷書楹帖衰冊

金箋七言剪張每間二字下懸缺鳳字德字缺小半

竹苞松茂新高第鳳翥鸞翔振德門 柔上年道翁 義門何

焯

何焯
之印

乃坡妹丈与余同受業陸澹邨姑丈師名仁虎讀書醉義堂
偶於曝書時見義門先生所書金牋楹帖知為令先祖款字
浸予索去昨秋由武林歸里乃坡裝成一冊仍以贈余然書
上已失太鳳字矣栗園表妹倩飛鳥淮甯善政宜民循猷卓
著公餘之暇好古成癖為政風流今在茲洵足增吾黨之光
也甲戌春相晤汴梁譚次索此因復歸之不特楚弓楚得即
以此中吉語爰祝雲路鸞翔丕振德門云尔二月十日書於
梁園節署 子正愚弟姚榮 姚榮 好

何義門大楷書条幅

紙本高二尺七寸七分闊一尺五寸二分四行又三字款
行印首貞志齋

聊登縣圃殿更上增城山不知高幾里低頭看世間唱歌雲欲聚彈琴鶴欲舞澗底百重花山根一片雨婉々藤倒垂亭亭松直豎師洛賢友八法過余遠甚乃索拙書惟有慚惶何焯

何焯
之印

姜西溟王虛舟臨古冊

紙本十一開計廿二頁
姜書六頁高六寸一分澗四寸二分每四行字不等臨右軍

四北一節日紫牽少睡一快雪時晴一鄉里人一旦極寒都
廿二行第三北下有西溟一印後款印首只此是學

臨右軍數帖戊寅春雨中

姜宸英

姜宸英

西溟

王書十六頁高八寸二分澗四寸一分烏絲直斷每四行字
不等臨孫過庭書譜夷險之情至連而不共六十三行題款

小字三行

此余雍正六年所臨緣被人攫去前幅意闕甚不復完之遂令
此書竟失首尾可惜也九年十二月十二日瑯琊王澐書後

澐
船

王虔舟臨右軍帖冊

紙本十六開計三十二頁每高八寸闊三寸九分
一開至三開臨官奴小女帖十一行二謝書云九行後題

官奴二謝真跡明季在新安吳用卿家余所得宋搨精本乃昆
陵楊氏所藏玉潤珠圓下真一等鬱岡快雪祖刻也

四開臨道護帖五行後題

右軍道護帖世所罕見獨僧希白潭帖中有之耳特為拈出

五開至十六開臨右軍二十九帖後題

維揚涂君呈書藏得曹之格寶晉帖宋本所載右軍帖口屬口
口未有因屏人事臨得口佗日重過維揚當口惠呈書重刻之
石嘉惠後學也丁未九月

王虛舟臨大令帖冊

紙本十二開計廿四頁高八寸濶三寸九分
一開臨月終帖四行後題

月終帖米老目以為偽米學竊謂此帖与永嘉授衣等帖筆妙
心同皆大令極矜練之作口目為偽恐是過

二開臨不審尋體帖四行後題

米以此帖為羊欣書尤臆決無據僕以為此真大令合作羊欣
去此恐尚當三舍耳

三開至五開臨大令五帖後題

此五帖皆大令擬右軍書亦可謂具體而微矣米黃二公多有
異論只好隔壁聽

六開臨衛軍帖五行七開題

衛軍王薈也薈為王導第六子於大令為從伯封父以疾卒於
官贈衛將軍此云衛軍猶未平和則薈尚無恙不應遽稱衛軍

決知非薈按王幼第三子恢為右衛將軍此稱衛軍或當是恢也僕射王幼也薈兄桓溫表為尚書僕射此云表謝臺職或以桓溫薦故陳表固辭歟

八九開臨靜息應佳帖九行婦性帖二行服腎氣九帖三行十開臨夏日感思帖五行後註

思道徽之子楨之小字

十一二開臨吾十一日發吳興帖十一行頃舍復何如三行

王虔舟碎墨冊

紙本合前題後跋二十開又半大小楷行草書不一帝之長短寬窄亦不一或一二行或十數行皆不全之本更有題發數帝亦附于後首頁自題四字末頁自跋一段

虛舟碎墨

余書謬為世愛即片紙隻字臨池家亦爭相購取此廿年前典到所書作輟無定不復檢點遂零落廢棄為童子收拾裝潢成冊今日展閱頗有可觀當又為見者心喜也因書數語于後以記學士雅好一時之盛云 良常恭壽老人王澍

澍

此冊直是先生臨古或為人書墓志寫壞之頁為人裝冊求題遂書數語應之其曰典到所書作輟無定猶欺人之談也亦足見當時書法名噪一時雖殘鱗片甲人猶爭相寶貴也

王虛舟篆書幽風七月詩屏

紙本十二幅高四尺九寸二分闊一尺四寸二分烏絲方格四行行十字鉄線篆書七月全詩末幅楷書題跋七行行二

十六字

余論篆法有三要一曰圓二曰瘳三曰參差三者之中瘳尤難
到非天然高學力至精神足末由勉強稍有勉強即筆力非攤
腫便倔強而通身廢矣此須是平時養得氣足臨事又如無所
用力乃能細心熨貼而曲折匠心匠心之至筆皆從心坎中
抽出而字扶精采筆負聲光越瘦勁越腴潤矣李少溫後惟子
昂屈此微妙有明一代罕有津逮者李西涯文徵仲諸公使盡
平生氣力徒惹脚板耳 賜進士出身司封司諫史官第一福

地王澍書

天官澍
大人澍

王虛舟臨李陽冰謙卦屏

紙本四幅每幅四頁計十五頁附一頁錄跋頁高一尺二寸九分潤如之五行三字鉄線篆每字約長四寸潤不及二寸第十五頁題款六篆書

唐李陽冰書 金沙王澍臨 澍 天官大夫

虛舟題跋中有臨謙卦跋一則此本無之余曰有附頁一卷遂錄于後其論篆法与七月詩跋大同小異此書原裝一卷十五方接裱予因展觀不便改裝屏四可懸玩焉

王虛舟篆書小幅

紙本高二尺三分潤一尺四寸一分六鉄線篆書五字當是為人祝壽者章法極佳可縮摹一印右角王虛望鑑藏印

如南山之壽 天官大夫王澍書 澍

蔣拙存臨書譜殘冊

紙本連跋十開每高七寸七分濶四寸八分烏絲直界頁四行字不等自注代祀縣達至六乃情深調念共六開自漢魏以來至垂拱三年寫記又一開半後跋兩開又半

孫公書譜精熟二王法雖縱橫跌宕無一點拂不中繩墨顛張醉素非不神奇但後學少趨輒入鬼怪規模過當或亦作者有疵余嘗云行草須用正書法正書亦必得行草意庶於血脉貫通中而提頓轉折之妙自具八年之前在京師見鄉先輩王虛舟草法嘆為奇妙舍弟星泉得其法亦遂睥睨一時老拙無能甘心袖手近來略得其理揆之作書法絕無真艸懸殊覺二君

欺我久矣但媿拙鈍不能記憶難於自作若臨摹舊本無可遜
焉此百幀為顏引年作諒不我笑也 庚戌嘉平月十一日祭

聖廟日燈下江南拙老人蔣衡醉後記 衡 拙

孫過庭書譜極妍秀而吾家玉潭兄以老筆出之沈雄遠勝
書法云服古須有我則不為未縛使精神自在流出斯
為妙下拙

老筆於拙拙破妍更無愧素與張顛二王真訣千秋在一髮
今從書譜傳題羅世廿四首之一 實篋珍函草有雲張參
枝定作儀型正宗幾句傳孫訣此是書家本行經 拙書此句
十二首之一 余於國朝人詩文集佩服淵雅堂而於書家
酷愛王虛舟蔣湘帆以余幼習歐陽率更帖也虛舟靈妙過
于蔣而湘帆樸老勝于王此冊自記凡百幀茲僅存八幀不
及十分之一惜矣然樸實渾厚真泐過庭三昧一滴水可知
大海味又何以為多為也今晨偶暇因錄淵雅堂集詩二首以
當題跋 戊辰小春初十石翁并識于易安軒 拙

蔣拙存節臨各種屏

紙本六幅高三尺六寸五分闊八寸七分烏絲直界每四行字不等

一幅楷書臨郎官石記序至德光被至盡在周行矣後款

張長史尚書省郎官石記序 左無明拙老人蔣衡

衡山野鶴
湘水先生

一幅臨醴泉銘惟皇撫運至琛暫成陳後款

歐陽公書醴泉銘 寫十三經老人衡書

國子先生
江南人

一幅臨唐太宗書八柱承天至濟其鴻業後款

唐太宗書 江南一老拙蔣衡

衡
或說蓮
某時存

一幅臨聖教謝表玉象降質至咸歸冊府後款

聖教序謝表 江南衡臨 拙書

一幅臨唐相國告經濟之才至置之廊廟後款

唐相國告 拙存老人蔣衡 拙書

一幅臨君謨書畫錦堂記然則高牙大森至望於公也後款

畫錦堂記蔡君謨書 華陽第八洞天蔣衡 拙存

楊大瓢臨黃庭經冊

紙本六開計十二頁高六寸闊三寸二分六行三十數字廿字不等書法勁挺純熟如一筆書首行題十二字末款二行

鄉思樓臨黃庭經第二十三本 拙書

乙未重九前三日山陰楊賓臨為虞山道兄清鑒 大瓢 拙書

黃庭雖皆唐人書然圓渾居多其臨晉猶有晉人筆意故也
惟歐陽信本所臨仍是歐法然不多見昔年但見汪翼泉尚
書師所集晉唐小楷兩冊內有之此大縣山人所臨但臨其
間架結體耳至筆法則純以側鋒永尖利之勢注見大縣它
書亦如此自有一種勁挺之趣於黃庭中拔戟自成一隊者
實之扶山年老道兄以為何如 咸豐甲寅四月十八日建
卿弟朱善旂 錄

楊大縣書詩軸

瓶麓齋舊藏

紙本高三尺五分闊九寸行楷書七絕一首印首畊虛

方袍未染洛京塵類上三毫似有神不是首陽雙義士定稱景

定一詩人

楊賓

楊賓
之印
大耕